



Broj predmeta: 13-001565/21
Broj akta: 01.1-1149AD-0014/21
Datum, 13.8.2021. godine
Mjesto, Brčko

Na osnovu člana 17. stav (2) Zakona o Vladi Brčko distrikta BiH («Službeni glasnik Brčko distrikta BiH», broj: 22/18– prečišćeni tekst, 49/18, 08/19, 10/19 i 32/19), u skladu sa članom 25. Zakona o javnim nabavkama («Službeni glasnik BiH», broj 39/14), Zapisnika o pregledu i ocjeni ponuda, sa preporukom Komisije, broj: 13-001565/21 od 05.08.2021. godine, kao i Mišljenja Pravobranilaštva Brčko distrikta BiH broj: M-878/21 od 12.08.2021.godine, gradonačelnik Brčko distrikta BiH d o n o s i

ODLUKU O IZBORU NAJPOVOLJNIJEG PONUĐAČA

Član 1.

U provedenom otvorenom postupku za nabavku opreme za prezentaciju dokaznog materijala i opreme za snimanje sudskih rasprava za potrebe Osnovnog i Apelacionog suda Brčko distrikta Bosne i Hercegovine, izabran je najpovoljniji ponuđač kojem se dodjeljuje ugovor.

Naziv najpovoljnijeg ponuđača za lotove 1, 2 i 3 je: „AUDIO VIDEO CONSULTING“ d.o.o. Sarajevo.

Lot 1 – Nabavka opreme za prezentaciju dokaznog materijala za potrebe

Osnovnog suda Brčko distrikta BiH

Vrijednost ugovora sa uračunatim PDV-om iznosi 42.186,92 KM.

Lot 2 - Nabavka opreme za snimanje sudskih rasprava za potrebe

Osnovnog suda Brčko distrikta BiH

Vrijednost ugovora sa uračunatim PDV-om iznosi 10.524,15 KM.

Lot 3 – Nabavka opreme za snimanje sudskih rasprava za potrebe

Apelacionog suda Brčko distrikta BiH

Vrijednost ugovora sa uračunatim PDV-om iznosi 10.524,15 KM.

Obrazloženje

Komisija za nabavke je nakon izvršenog otvaranja ponuda konstatovala da je do momenta otvaranja, pristigla jedna ponuda i to ponuđača: „Audio Video Consulting“ d.o.o. Sarajevo. Sastavni dio odluke čini zapisnik o pregledu i ocjeni ponuda. Komisija je utvrdila da je ponuda ponuđača prihvatljiva sa aspekta načina i pripreme i dostave ponude, te da je ponuđač kvalifikovan, odnosno da je ponuda koju je dostavio u skladu sa zahtjevima postavljenim tenderskom dokumentacijom. Stručna komisija iz Pravosudne komisije je ocijenila da je ponuđač dostavio ponudu u skladu sa zahtjevima iz tehničke specifikacije. Na osnovu računске kontrole ponude koja je urađena od strane člana komisije ispred Pododjeljenja za javne nabavke, utvrđeno je da je ponuda potpuna, odnosno da su sve stavke tehničke specifikacije ponuđene. Izvršena je računska kontrola ponude i utvrđeno je da nije bilo računskih grešaka. U daljem toku postupka ustanovljeno je da iznos ponude za lot 1 nije bio u okviru procijenjene vrijednosti nabavke. Od Pravosudne komisije Brčko distrikta BiH je dopisom broj: 13-001565/21, broj akta: 02-1348NH-0007/21 od 04.08.2021.godine zahtijevano da se izjasne da li su

u mogućnosti obezbijediti dodatna sredstva za realizaciju predmetne nabavke. Dopisom broj: SuPK – 07-1110/21 od 05.08.2021.godine je odgovoreno da Pravosudna komisija raspolaže sa potrebnim sredstvima, te da se postupak nabavke za lot 1 može nastaviti. Na osnovu svega navedenog, Komisija je dala preporuku o izboru najpovoljnijeg ponuđača u skladu sa kriterijumom najniže cijene.

Član 2.

Postupak je proveden na osnovu Odluke o pokretanju postupka nabavke roba broj: SuPK-07-1030/21 od 12.07.2021. godine i Obavještenja o nabavci broj: 1157-1-1-371-3-373/21 objavljenim dana 16.07.2021. godine, specifikacijom roba i ponudom najpovoljnijeg ponuđača.

Član 3.

Finansiranje navedene nabavke će se izvršiti iz sredstava kapitalnog budžeta za 2019. i 2020. godinu, sa organizacionog koda 12020001 i ekonomskog koda 821300 – Nabavka opreme, šifre projekata 9325 i 10391 za lotove 1 i 2 i sa organizacionog koda 12030001 i ekonomskog koda 8213000 – Nabavka opreme, šifre projekata 9326 i 10392 za Lot 3.

Član 4.

Ova odluka stupa na snagu danom donošenja.

POUKA O PRAVNOM LIJEKU:

Protiv ove odluke zainteresovane strane imaju pravo podnijeti pismenu žalbu ugovornom organu dostavljanjem žalbe u najmanje tri primjerka u Odjeljenje za stručne i administrativne poslove, Pododjeljenje za javne nabavke Vlade Brčko distrikta BiH, u roku od 10 dana od dana prijema odluke.

DOSTAVITI:

1. Pododjeljenju za javne nabavke,
2. Ponuđaču,
3. Pravosudnoj komisiji,
4. Gradonačelniku,
5. Zamjeniku gradonačelnika
6. «Službenom glasniku Brčko distrikta BiH»,
7. Arhivi.

